

cuius distinctionem in modum arboris ramificate sic depingo. Atque non hic tantum, sed pluribus locis Schemata synoptica concinne facta ad margines inferiores videntur. Autorem e tanta Commentatorum turba secernere nec facile, nec adeo operae pretium foret; antiquioribus tamen adnumerandus est.

DXXXVI.

U. 308. Codex chartaceus lat. Sec. XV. Folior. 264. f. per duas columnas non una quidem manu, nitide tamen perscriptus et rubricis distinctus, quondamque, ut Theca praefert, *M. Sigismundi Obrecht de lengensfeld* Eadem continet, quae superior, et *Lectura* quidem in I. incipit: *Quatuor libris Sententiarum premitit Magister prologum quendam cuius expositio simul et constructio sequitur in hunc modum &c.* Praeunt vero etiam Quaestiones prooemiales, puta: *Vtrum per studium in Theologia acquiratur scientia proprie dicta. Vtrum Theologia sit scientia practica uel speculatiua. &c.* Ad calcem L. I. adest Elenchus Tractatorum, quem continuo excipiunt Tractanda in L. II. hac Rubrica: *Nota Registrum in questiones actitatas super 2°. sententiarum sicut communiter solent legi a sententiarijs studij Wiennen.* Ad Academiam igitur nostram haec Commentaria pertinent, quorum altera Pars incipit: *Circa distinctionem primam huius secundi Queris Denis Codd. Theol. V. II. P. II.*

tur *Vtrum sicut in temporis initio Deus fecit mundum ex nichilo &c.*

II. fol. 157. ab alia deinceps manu succedit *Tabula* illa jam alias producta in *D. Thomae Opera* hic quidem hoc Rubro: *Quomodo directorium sequens seu tabula intelligi debeat ad libros S. thome.*

III. fol. 253 *Incipiunt Auctoritates sanctorum patrum ac doctorum.* Συλλογὴ temere lecta e *Gregorio, Bernharo, Augustino, Ambrosio, Isidoro, Hieronymo, Caesario, Prospero, Leone, Anselmo, Job. Chrysofomo, Prudentio, Cypriano, Hugone de S. Vict. Basilio, Beda, quos inter et Cicero.*

IV. fol. 256. p. 2. *Incipiunt expositiones rarorum vocabulorum.* E Bibliis et PP. potissimum carpta, nullo ordine, non pauca ἀλογα, quaedam etiam germanice reddita, v. g. *Caristica Zunter. Coturnix rephen. Cancon schreibzeug. Cornus akczpaum. Pappilio veiualter &c.*

V. fol. 262. *Incipiunt synonyma unum et idem significantia.* V. g. *Auxiliari, Adiuuare, Suffragari, Succurrere, Subuenire, Amminiculari, Propiciare, Opitulare.* Misera sane Linguae latinae Tironibus *Auxilia!*

DXXXVII.

Codex chartaceus lat. Sec. XV. U. 310. Folior. 225. f. praeter multa inserta foliola, commode perscriptus et rubricis distinctus est *Commentarius scholasticus in II. et III.*

H

III.

III. Sententiarum, quorum prior incipit: Creacionem rerum insinuans scriptura &c. Liber 2^{us} in quo determinat magister de rerum creacione &c. Alter fol. 122. Cum venit igitur plenitudo temporis. liber 3^{us} postquam in precedentibus libris determinauit magister de rebus diuinis et creatis &c. Ad calcem annus 1419. Thecam anticam conuestit Fragmentum Ruth a C. IV. v. 4. 18. posticam Cantici Cant. a C. VI. v. 6. C. VIII. v. 4. hebraice cum punctis luculente in membrana per columnas 2. exaratum. Ita putamen nuce potius.

DXXXVIII.

U. 107 Codex chartaceus lat. Sec. XV.

Folior. 355. 4. non una manu, calamo currente perscriptus continet: I. Praelectiones in *Petri Lombardi Librum II. Sententiarum* hoc initio: *Creationem rerum insinuans scriptura. Liber secundus in quo determinat Magister de rerum creacione &c.* In theca anteriore movetur Quaestio, an *Petrus Lombardus* possit dici *Autor*, e qua sequentia lubet eruere: *Sciendum, quod quadruplex est modus faciendi librum. Aliquis enim scribit aliena nihil addendo uel mutando, et iste dicitur Scriptor. Aliquis scribit aliena addendo, sed non de suo, et iste dicitur Compiler. Aliquis dicit aliena et sua, sed aliena tanquam principalia, et sua tanquam annexa ad euidentiam, et iste dicitur Commentator. Aliquis*

scribit et sua et aliena, sed sua tanquam principalia, aliena tanquam annexa ad confirmacionem, et talis debet dici Autor. In margine fol. 67. p. 2. legas: *Anno (14)36. feria tertia post blasij dominus bas. (ilienfis) legatus Job. Polemar audiuit presentem (26) distinctionem a me. Vir hic priori Vol. non semel a me adpellatus aderat hoc anno Basilea redux et visitatione Universitatis cum Philiberto Ep. Constant. Nicolao S. Dorotheae Praeposito, et M. Narcisso Herz de Perchingen occupatus, ut tradit Ederi Catal. Reſor. et Conspectus Hist. Univ. ad h. a. Fol. 124. habetur: Anno MCCCC36. feria sexta ante Ramis-palmarum operis huius 2ⁱ legendo conclusi continentiam.*

II. fol. 134. sequuntur Praelectiones in *Librum III.* cum Nota: *Incepi legere 3^m sententiarum immediate post octauas pasce Anno 36. et Initio: Cum venit igitur plenitudo temporis. Iste est liber tercius sententiarum in quo postquam in precedentibus libris &c.* Ad calcem primum haec leguntur: *Explicit scribendo pariter et legendo in profesto sancti Nicolai &c.* tum textitur Narratio ingruentis pestis, quae hoc anno ante Festum Assumptionis B. V. vel 70. funera jam uno die abstulit, atque inter Academiae membra deinceps *Petrum Reicher de Pirchenwart* Seniore regentem ducalis Collegii et Theol. Prof. *Cunradum Heribst O. P. Theol. Doct. Urbanum de Mellico*, cujus obitum